

DISSERTATIO ACADEMICA
DE MODO REDUCENDI DISTANTIAS
LUNÆ A STELLIS PRO LONGITUDINE
GEOGRAPHICA INVENIENDA,

CUJUS PARTEM PRIOREM,

VENIA AMPLISS. FAC. PHIL. IN ACAD. ABOËNSI,

PUBLICÆ MODESTE SUBJICIUNT CENSURÆ

Mag. HENRICUS JOH. WALBECK,
Docens in Mathesi Applicata,

ET

JOHANNES TULINDBERG,
*Stipendiarii publ.
Ostrob.*

In Auditorio Phil. die 11 Junii 1817.

horis a. m. consv.

ABOE, Typis FRENCKELIANIS.



§. I.

Ab illo inde tempore, quo per theoriam gravitatis Newtonianam, ab experientia mirum in modum quotidie fere confirmatam, opera immortalis T. MAYERI adcurior, quam eousque cognita erat, motuum lunarium theoria indagata fuit, quæ vero jam theoreticis Ill. LAPLACII empiricisque BÜRGEL & BURCKHARDTI disquisitionibus ad summum fere fastigium est exculta, usus invaluit, per distantias Lunæ a stellis, vel fixis vel errantibus, longitudines locorum geographicas, præsertim mari, inveniendi. Problematis hujus utilissimi, quod etiam in terra magno cum fructu usurpari potest, permulta jam sunt solutiones, quæ tantum non omnes eo nituntur fundamento, ut ex datis lateribus trianguli sphærici, variationeque duorum, invariato manente angulo intercepto, variatum queratur tertium latus, quod est ipsa Distantia siderum, ab effectu parallaxeos & refractionis

A

ctionis purgata. Quod si in calculo nullam sphæroidicitatis telluris habere volueris rationem, quod quidem præsertim in nauticis hujus problematis applicationibus fieri solet, nihil omnino hac in re desideratur, cum problema per se sit facillimum, & variae jam magis minusve commodæ excogitatae sint, formulæ directæ trigonometricæ, quæ ipsa quidem calculo logarithmico minus est commoda, transformationes, quæ vel distantiam ipsam correctam, vel correctionem distantiae observatæ, hancque vel exakte, vel saltem proxime præbeant a). Quo in casu altitudines etiam tam Lunæ quam Stellæ observari solent; quæ deinde refractione & parallaxi corrigantur, ex quibus datis, per formulas laudatas invenitur ipsa distantia geocentrica, quæ cum eadem, e tabulis pro certo quodam fixi meridiani tempore data, collata, differentiam longitudinis facilime præbet. Sed Astronomo in terra lon-

a) Invaluit hoc respectu formula CII. DE BORDA, quæ cum multis aliis exhibita est a Cel. LINDQVIST in Diss. de Inven. Long. Loci ex obs. Distantia Lunæ a Stella quædam; Aboæ 1795. Formula DUNTHORNT satis est concinna: DON JOSEF MENDOZA RIOZ: 40 transformationes formulæ trigonometricæ directæ dedit, generalemque expressionem ipsius correctionis ad quantitates secundi ordinis exactam. Phil. Tr. 1797. Inter eos, qui de cetero approximantes pro distantiae correctione formulas tradidere, eminent LEGENDRE & DELAMBRE. Connaiss. de Tems. XIV.

longe accuratius observanti, multo commodior evadere potest hæc methodus, cum determinacionem altitudinum facilius e tabulis & elementis astronomicis quam ex observationibus depromere possit, unde observationes hujus generis multo faciliores & multiplices reddi possunt; quo in casu etiam effectus sphæroidicitatis telluris calculum ingredi debet. Non quidem negamus, approximatorias etiam facile inveniri posse formulas, quæ parallaxin altitudinis & azimuthi Lunaæ hac sub hypothesi adornatas præbeant; sed melius utique est, talem methodum adhibere, quæ rigore geometrico se commendet b), præsertim cum instrumenta, quibus has distantias metimur, paucorum tantum minutorum secundorum jam habeant incertitudinem, quæ etiam repetitis observationibus multo minor reddi potest. Verum quidem est, ob caussas facile perspiciendas, hanc rationem longitudinum inveniendarum inferiorem calculo cum occultationibus

A 2

fixa-

b) Bene omnino Gauss in libro *eximio Theoria mot. Corp. coel.* p. 167: *Male loquuntur, qui methodum aliquam alia magis minusve exactam pronunciant. Ea enim sola methodus problema soluisse censeri potest, per quam quemvis præcisionis gradum attingere saltem in potestate est. Quamobrem methodus alia alii eo tantum nomine palmam præcepit, quod eundem præcisionis gradum per aliam clivius minorique labore, per aliam tardius graviorique opera assequi licet.*

fixarum instituto habendam esse, cum error unius secundi in distantia, duplum fere in Longitudine, tempore numerata, efficiat, sed observandum est, multitudine observationum corrigi posse earum incertitudinem, multoque facilius calculo eas subjici, si solita methodus ex apparente distantia geocentricam inveniendi invertatur, dein vero, si pro tribus saltem, &, quod melius est, æquidistantibus temporis momentis e tabulis ope longitudinis jam proxime notæ computentur apparentes distantiae, ut etiam veræ, unde earum differentiae innotescunt, quæ porro ope interpolationis ad quamcunque observatarum distantiarum referantur, qua ratione, si harum numerus major sit, calculus earum facilior, directior & certior evadit. Ubi vero pauci se consequentes habeantur observationes, nulla est ratio ob quam solita methodus deseratur. Posset quidem ex magna serie medium arithmeticum sumi tam temporum quam distantiarum, sed præterquam quod variatione distantiae non uniformis sit, meliores ac deteriores observationes tunc commiserentur. Proposuit quidem DE LINDENAU c) hoc respectu formulas quasdam, quæ, datis positionibus Lunæ & stellæ, variationem distantiae præbent, quarum ope quævis observata distantia ad medium quandam reduci po-

potest; sed etiam ita calculus pro quavis distan-
tia satis prolixus evadit. Præterea solitæ me-
thodi distantiam veram ex apparente & altitudini-
bus, si ad ellipticitatem telluris respectum habeas,
definiendi, magnis laborant difficultatibus; quare
optimum nobis visum est, totam hanc rationem
deserere, apparentesque positiones non ad hori-
zontem, sed ad æquatorem vel eclipticam referre,
unde sequitur, effectum parallaxeos & refractionis
respectu harum positionum esse determinandum,
quod posterius, præsertim si altitudines non parvæ
fuerint, majori præcisione etiam per formulas ap-
proximantes effici potest, quam effectus parallaxe-
os lunaris respectu horizontis more solito determi-
natur. Loci longitudo, hac in methodo ut in ce-
teris, quam proxime cognita esse debet; quod si
non satis accurate nota fuerit, calculus repetendus
est; eritque ad hanc primam determinationem, si
loci positio valde incerta sit, unius vel alterius di-
stantiae præliminaris computatio sufficiens. Cum
nullam formulam pro parallaxi & refractione no-
tam supponamus, rem e principiis exponere stude-
bimus. Quod si in materia tam agitata aliquid
novi (quod facile concedimus) vix proferre pote-
rimus, speramus tamen, cognitorum principiorum
dispositionem & ad rem nostram accommodatio-
nem non omni usu fore caritaram, mitem de cete-
ro B. Lectorum rogantes juvenilis opusculi censuram.

§. 2.

Ut igitur primum locus lunæ apparet, parallaxi affectus, isque ad æquatorem relatus quadratur, assumantur tria plana se invicem normaliter secantia, per centrum telluris ducta, quæ utique in sphæra coelesti circulos projicient maximos. Si unum horum sit æquatoris, erunt poli circulorum maximorum ceterorum in æquatore siti, quorum, positivorum, sint rectascensiones N & $N + 90^\circ$; sit præterea lunæ distantia a plano primo Z , a secundo X , & a tertio T , assumendo Z positivam pro distantia boreali, X & T positivas versus polos positivos. Assumantur tali etiam modo pro loco observatoris eadem distantiae z , x , y ; sit α Rectascensio lunæ, δ Declinatio, ρ radius, geocentricæ, α' , δ' , ρ' hæ in loco observatoris quantitates apparentes; a Rectascensio Observatoris seu AR . Zenith = AR . medii Cœli seu Tempori Sidereo = A . Rectæ Solis Mediæ + Nutat. in AR . + Tempori Solari medio; p Declinatio Observatoris geocentrica seu declinatio Zenith; R Distantia lunæ a centro telluris, r Distantia observatoris seu radius terrestris, posito α = radio æquatoris & b = semiaxi telluris, erit utique:

$$X = R \cos \delta \cos (\alpha - N)$$

$$T = R \cos \delta \sin (\alpha - N)$$

$$Z = R \sin \delta$$

$$x = \rho$$

$$x = r \cos p \cos (\alpha - N)$$

$$y = r \cos p \sin (\alpha - N)$$

$z = r \sin p$, habebisque

$$\tan (\alpha - N) = \frac{Y}{X},$$

$$\tan \delta = \frac{Z \cdot \cos (\alpha - N)}{X}$$

$$R = \frac{X}{\cos \delta \cos (\alpha - N)}$$

Quod si jam apparentia loca lunæ quærantur, habebis

$$\tan (\alpha' - N) = \frac{Y - y}{X - x},$$

$$\tan \delta' = \frac{Z - z}{X - x} \cos (\alpha' - N)$$

$$R' = \frac{X - x}{\cos \delta' \cos (\alpha' - N)}$$

Valores antea inventos substituendo, observando-

que, quod sit $\sin \varrho' = \frac{R'}{R} \sin \varrho$, erit

$$\tan (\alpha' - N) = \frac{\cos \delta \sin (\alpha - N) - \frac{r}{R} \cos p \sin (\alpha - N)}{\cos \delta \cos (\alpha - N) - \frac{r}{R} \cos p \cos (\alpha - N)}$$

$$\tan \delta' =$$

$$\tan \delta' = \frac{(\sin \delta - \frac{r}{R} \sin p) \cos (\alpha' - N)}{\cos \delta \cos (\alpha - N) - \frac{r}{R} \cos p \cos (\alpha - N)}$$

$$\sin \rho' = \frac{\sin \rho \cos \delta' \cos (\alpha' - N)}{\cos \delta \cos (\alpha - N) - \frac{r}{R} \cos p \cos (\alpha - N)}$$

Si π est parallaxis lunæ æquatorea, erit $\frac{\alpha}{R} = \sin \pi$
atque $\frac{r}{R} = \frac{r}{\alpha} \sin \pi = \sin \pi'$, quo parallaxis loci
horizontalis d), ut dici solet, determinatur.

Cum N arbitrarius sit, assumatur primo $N = \alpha$;
unde

$$\tan (\alpha' - \alpha) = \frac{-\sin \pi' \cos p \sin (\alpha - \alpha)}{\cos \delta - \sin \pi' \cos p \cos (\alpha - \alpha)}$$

$$\tan \delta' =$$

d) Perspicuum est, hac cum parallaxi horizontali non intelli-
gi eam, quæ in horizonte apparente, polum in Zenith ap-
parente seu in directione normalis habente obtinet, sed
eam, quæ in circulo maximo a Zenith vero, in linea ob-
servatorem & centrum telluris jungente producta, posito,
 90° distante, quem circulum horizontem verum, secun-
dum analogiam ceterarum denominationum, appellamus,
locum habet.

$$\tan \delta' = \frac{(\sin \delta - \sin \pi' \sin p) \cos (\alpha' - \alpha)}{\cos \delta - \sin \pi' \cos p \cos (\alpha - \alpha)}$$

$$\sin \rho' = \frac{\sin \rho \cdot \cos \delta' \cos (\alpha' - \alpha)}{\cos \delta - \sin \pi' \cos p \cos (\alpha - \alpha)},$$

Vel si ponatur $N = a$, erit

$$\tan \alpha' = \frac{\cos \delta \sin \alpha - \sin \pi' \cos p \sin \alpha}{\cos \delta \cos \alpha - \sin \pi' \cos p \cos \alpha}$$

$$\tan \delta' = \frac{(\sin \delta - \sin \pi' \sin p) \cos \alpha'}{\cos \delta \cos \alpha - \sin \pi' \cos p \cos \alpha}$$

$$\sin \rho' = \frac{\sin \rho \cdot \cos \delta' \cos \alpha'}{\cos \delta \cos \alpha - \sin \pi' \cos p \cos \alpha},$$

Si est $N = a$, evadit

$$\tan (\alpha' - a) = \frac{\cos \delta \sin (\alpha - a)}{\cos \delta \cos (\alpha - a) - \sin \pi' \cos p}$$

$$\tan \delta' = \frac{(\sin \delta - \sin \pi' \sin p) \cos (\alpha' - a)}{\cos \delta \cos (\alpha - a) - \sin \pi' \cos p}$$

$$\sin \rho' = \frac{\sin \rho \cdot \cos \delta' \cos (\alpha' - a)}{\cos \delta \cos (\alpha - a) - \sin \pi' \cos p}$$

Ex his formulis, primæ nobis videntur commodissimæ, quippe quæ quinque tantum notis decimalibus in Logarithmis adhibitis, præsertim pro $\alpha' - a$ & ρ , atque etiam pro δ' nisi magna fuerit lunæ declinatio, ad sufficientem assequendam exactitudi-

nem adhiberi possunt. Pro sin ϱ & sin ϱ' semper poni potest ϱ & ϱ' .

Si stella, a qua lunæ distantia capta est, errans fuerit, parallaxes AR. & Decl. ope priorum formularum computentur, quo in casu insigniter abbreviari possunt. Pro sole igitur & planetis habebis quam proxime:

$$\alpha' - \alpha = \pi' \frac{\cos p}{\cos \delta} \sin(\alpha - \alpha)$$

$$\tan \delta' = \tan \delta - \frac{\sin \pi' \sin p}{\cos \delta} \text{ seu } \delta' = \delta - \pi' \sin p \cos \delta$$

$$\varrho' = \frac{\cos \delta'}{\cos \delta} \varrho = \varrho$$

Planeta, qui terræ aliquando proximus esse potest, est Vénus, in aphelio & conjunctione inferiori cum terra, hac in perielio existente; cuius distantia hoc in casu est 0,25490 (posita parallaxi Solis pro distantia $1 = 8'',70$). Parallaxis = $34'',13 = \pi$; atque $\pi^2 = 0'',0056$, unde patet quadrata sinuum parallaxium semper omitti posse.

Ad applicationem harum formularum necesse est, ut p atque $\frac{r}{\alpha}$ in hypothesi telluris ellipsoidicae inveniantur. Si p' = latitudo observata, seu com-

complementum anguli inter normalem & axem revolutionis ellipsoes, patet esse tang $p' = -\frac{dx}{dz}$;

$$\text{tang } p = \frac{z}{x};$$

& per naturam ellipsoes $z^2 = b^2 - \frac{b^2}{\alpha^2} x^2$, unde

$$-\frac{dx}{dz} = \frac{\alpha^2}{b^2} \cdot \frac{z}{x}, \quad \text{Ergo tang } p = \frac{b^2}{\alpha^2} \cdot \text{tang } p'.$$

Est porro $r^2 = x^2 + z^2$, unde $r^2 = \frac{\alpha^2 b^2}{\alpha^2 - (\alpha^2 - b^2) \cos p^2}$,

seu debita instituta reductione

$\frac{r}{\alpha} = \frac{1}{\alpha} \sqrt{\frac{r^4 \cos p'^2 + b^4 \sin p'^2}{\alpha^2 \cos p^2 + b^2 \sin p^2}}$, quæ prout primus fecit LEXELL e) contrahi potest in formam notissimam

$$\frac{r}{\alpha} = \sqrt{\frac{\cos p'}{\cos p \cos (p' - p)}} = \frac{b}{\alpha} \sqrt{\frac{\sin p'}{\sin p \cos (p' - p)}}$$

Si formula pro p in seriem vertenda, ea ita scribatur:

$\text{tang } (p' - u) = \left(\frac{1 - \varepsilon}{1 + \varepsilon} \right) \text{tang } p'$, eritque differentiando, posita d ε constante:

$$\frac{du}{\cos^2(p' - u)} = \frac{2d\varepsilon}{(1 + \varepsilon)^2} \text{tang } p'$$

$$\frac{d^2 u \cos(p^l - u)^2 - 2 \cos(p^l - u) \sin(p^l - u) du^2}{\cos(p^l - u)^4} = \frac{-4 d \varepsilon^2}{(1 + \varepsilon)^3} \tang p^l$$

unde, si valores $\tau \tilde{\omega} u$, $\frac{du}{d\varepsilon}$, &c. pro $\varepsilon = 0$ uncis signentur,

$$(u) = 0.$$

$$\left(\frac{du}{d\varepsilon}\right) = 2 \sin p^l \cos p^l = \sin 2p^l$$

$$\left(\frac{d^2 u}{d \varepsilon^2}\right) = -4 \sin p^l \cos p^l + 8 \sin p^l \cos p^l = -\sin 4p^l;$$

est vero per theorema notissimum si u functio $\tau \tilde{\omega} u$

$$u = (u) + \left(\frac{du}{d\varepsilon}\right) \frac{\varepsilon}{1} + \left(\frac{d^2 u}{d \varepsilon^2}\right) \frac{\varepsilon^2}{1 \cdot 2} + \dots$$

ergo in minutis secundis:

$$u = \varepsilon \frac{\sin 2p^l}{\sin 1''} - \frac{\varepsilon^2}{2} \cdot \frac{\sin 4p^l}{\sin 1''} + \dots$$

$$\text{Tro } \frac{b}{a} = \frac{304}{305} \text{ erit } \varepsilon = \frac{a^2 - b^2}{a^2 + b^2} = \frac{609}{185441}$$

$$u = 677'', 39 \sin 2p^l - 1'', 11 \sin 4p^l = p' - p.$$

Si radium serie expressum volueris, nec transformatione ista Elexelliana uti, sumatur formula prima pro $\frac{r}{\alpha}$, quæ etiam ita scribi potest:

$$\left(\frac{r}{\alpha}\right)^2 = \frac{1 - \left(\frac{\alpha^4 - b^4}{\alpha^4}\right) \sin p^{l_2}}{1 - \left(\frac{\alpha^2 - b^2}{\alpha^2}\right) \sin p^{l_2}}; \text{ ponendo } 1 - \frac{b^2}{\alpha^2} = e^{2z}$$

ubi e = excentricitas meridiani, habebis

$$\left(\frac{r}{\alpha}\right)^2 = \frac{1 - (1 - e^2)e^2 \sin p^{l_2}}{1 - e^2 \sin p^{l_2}}, \text{ quæ evoluta dat}$$

$$\frac{r}{\alpha} = 1 - \frac{1}{2} e^{2z} (1 - e^2) \sin p^{l_2} - \frac{1}{8} e^4 (1 - e^2) (1 - \frac{1}{3} e^2) \sin p^{l_4} - \dots$$

seu ulterius transformando, posito

$$\frac{r}{\alpha} = 1 - m \sin p^{l_2} - n \sin p^{l_4} \dots$$

$$\log \frac{r}{\alpha} = -M \left(m \sin p^{l_2} + \left(n + \frac{m^2}{2} \right) \sin p^{l_4} \dots \right)$$

$$M = 0,43429448$$

$$\log \left(1 - \frac{r}{\alpha} \right) = \log \sin p^{l_2} + \log \left(m + n \sin p^{l_2} + \dots \right)$$

$$= \log \sin p^{l_2} + \log m + \frac{Mn}{m} \sin p^{l_2} + \dots$$

quæ formula calculo facilior numerico est quam videtur, & quatuor figuris absolvit potest. Est enim

\sin

$\sin \pi' = \frac{r}{\alpha} \sin \pi$, & satis accurate $\pi - \pi' = \left(1 - \frac{r}{\alpha}\right) \pi$
 unde facillime correctio parallaxeos invenitur. Pro
 ellipticitate telluris $\frac{1}{305}$ est

$$\frac{r}{\alpha} = 1 - 0,0032519 \sin p'^2 - 0,0000266 \sin p'^4 - \dots$$

$$\log \frac{r}{\alpha} = 10 - 0,0014123 \sin p'^2 - 0,0000138 \sin p'^4 - \dots$$

$$\log \left(1 - \frac{r}{\alpha}\right) = \log \sin p'^2 + 7,51214 + 0,00355 \sin p'^2 + \dots$$

§. 3.

Inventis sic, quæ e parallaxi oriuntur ad loca
 lunæ & etiam stellæ, si opus fuerit, correctioni-
 bus, necesse est, ut etiam effectus refractionis in
 A. Rectam & Declinationem positioni earum appa-
 renti applicentur. Altitudo igitur harum quæratur,
 quæ refractionem in altitudine suppeditat, deinde
 in refractionem ascensionis r. & declinationis mu-
 tandam. Vel nobis non monentibus patet, refra-
 ctionem, nisi magna fuerit altitudo, ope barome-
 tri & thermometri esse corrigendam, cum variatio
 quæ ex mutata densitate aëris oritur, in nostris
 præsertim climatibus temporeque hiemali sæpe ul-
 tra decimam partem refractionis mediae ascendere
 possit.

Ma-

Magnum operis compendium inde oritur, quod totus hic pro refractione calculus, minoribus tabulis logarithmicis ad quinque vel quatuor notas decimales extensas, omni necessaria cum præcisióne absolví queat f).

Sit Distantia Lunæ (vel Stellæ) a Zenith apparet, quod cum latitudine loci astronomica p' cohæret (ubi quidem non valde magnus oritur error si p pro p' substituas) = z , Angulus inter declinationis circulum & Verticalem v , at quibusdam angulus variationis vulgo parallacticus appellatus; Lunæ (vel stellæ) declinatio & Ascensio recta visa δ'' & α'' , erit angulus horarius apparetus $\alpha' - a$, ad orientem positiva, atque

$$\cos z = \cos(\alpha' - a) \cos \delta' \cos p' + \sin \delta' \sin p' \cdot \sin(\alpha' - a)$$

$$\tan v = \frac{\sin \delta' \tan p' - \cos \delta' \cos(\alpha' - a)}{\cos \delta' \tan p' - \sin \delta' \cos(\alpha' - a)}$$

seu, quod præsertim heic multo expeditius est,

$$\text{posito } \tan \varphi = \frac{\tan p'}{\cos(\alpha' - a)}, \text{ erit}$$

$$\cos z =$$

f) Si rigorose calculaveris, refractions non pro Centro Lunæ sed punto Limbi quo distantia capitur sumenda est. Inutile vero est, calculum talibus minutis molestum redere, quæ præterea, nisi sit Luna vel Sol horizonti proximus nullius sunt momenti. Ex hac etiam caussa minimæ altitudines evitari debent.

$$\cos z = \frac{\cos(\phi - \delta') \sin p'}{\sin \phi}, \quad \operatorname{tang} v = \frac{\operatorname{tang}(\alpha' - a) \cos \phi}{\sin(\phi - \delta')}$$

eritque sumtis differentialibus

$$d(\alpha' - a) = d\alpha' = \frac{dz \cdot \sin v}{\cos \delta'}, \quad d\delta' = -dz \cdot \cos v, \quad \text{seu}$$

si (ρ) est refractio in altitudine $90^\circ - z$, g) erit
quam proxime

$$\alpha'' - \alpha' = -(\rho) \frac{\sin v}{\cos \delta'}, \quad \delta'' - \delta' = (\rho) \cos v.$$

Formulas has semper, nisi parva fuerit stellae altitudo, adhiberi posse, inde patet, quod exactae differentiae ita definiantur:

$$\sin \Delta \alpha' = \frac{\sin \Delta z \cdot \sin v}{\cos(\delta' - \Delta \delta')} = \frac{\sin \Delta z \cdot \sin(v + \Delta v)}{\cos \delta'}$$

$$\operatorname{tang} \frac{1}{2} \Delta \delta = - \frac{\operatorname{tang} \frac{1}{2} \Delta z \cdot \cos(v + \frac{1}{2} \Delta v)}{\cos \frac{1}{2} \Delta v}$$

seu, si placet

$$\sin \frac{1}{2} \Delta \delta = - \left(\frac{\cos \frac{1}{2} \Delta z \sin p' - \sin \delta' \cos(z + \frac{1}{2} \Delta z)}{\sin z \cos(\delta' - \frac{1}{2} \Delta \delta)} \right) \sin \frac{1}{2} \Delta z$$

Si

g) Cum solitae refractionis tabulæ argumenti loco habeant distantiam zenithalem vel altitudinem apparentem (hoc loco visam) patet, refractionem pro altitudine vera (h. l. apparenti) dupli approximatione, spectando primum apparenti pro vera, querendam esse.

Si quando necessarium foret, his exactis formulis
uti, substitui heic potest pro Δv , dv , ubi

$$dv = - \frac{dz \cdot \sin v}{\cot \delta'} = (\rho) \frac{\sin v}{\cot \delta'}.$$

Demonstratio harum formularum inveniri pos-
test, si consideretur triangulum istud, quod diffe-
rentia est inter triangulum angulos suos habens
in Zenith apparet, Polo, & loco Stellæ appa-
rente, atque triangulum variatum, ubi anguli sunt
ad polum, Zenith & locum stellæ visum seu refrac-
tione affectum, collatisque inter se angulis &
lateribus in triangulo hoc excedente, a distantia po-
lari apparet & visa & arcu refractionis formato h).

Nulla difficultas inde oritur, quod $\Delta \delta$, Δv in
altero membro occurrant. Quod si his non uti
volueris, haud difficulter ope Theorematis Taylo-
riani veræ hæ variationes inveniri possunt; est enim

$$\Delta \alpha' = \frac{d \alpha'}{d z} \cdot \frac{\Delta z}{1} + \frac{d^2 \alpha'}{d z^2} \cdot \frac{\Delta z^2}{1 \cdot 2} + \dots$$

$$\Delta \delta' = \frac{d \delta'}{d z} \cdot \frac{\Delta z}{1} + \frac{d^2 \delta'}{d z^2} \cdot \frac{\Delta z^2}{1 \cdot 2} + \dots \text{ ubi coëffici-}$$

C entes

h) Vide de cetero *Trigonometrie par CAGNOLI Paris, 1786*
§ 541 & 550 sq. ubi generales pro variationibus triangulorum
sphæricorum traditæ sunt formulæ, earumque demonstra-
tiones.

entes, positis, ut antea, p' atque azimutho constantibus, determinari possent. Nobis vero priores æquationes commodiores videntur.

S. 4.

Applicatis sic ad AR. & Decl. geocentricam lunæ & stellæ correctionibus, quæ a parallaxi & refractione oriuntur, habebitur earum positio visa, unde igitur apparet distantiæ centrorum per resolutionem triangulii sphærici, ubi data sunt duo latera seu complementa declinationum, atque angulus interceptus seu differentia Ascensionum retarum visarum, facilius invenitur. Est enim, si Δ' Distantia visa, Δ distantia vera

$$\cos \Delta' = \cos(\alpha''_C - \alpha''_*) \cos \delta'_C \cos \delta''_* + \sin \delta''_C \sin \delta''_*$$

$$\cos \Delta = \cos(\alpha_C - \alpha_*) \cos \delta_C \cos \delta_* + \sin \delta_C \sin \delta_*$$

quæ æquationes facilis in forma qua sunt, quam adhibitis angulis auxiliaribus, usitatis tabulis trigonometricis & logarithmicas adhiberi possunt. Partes enim proportionales facilis secundum constructionem solitam tabularum pro numeris quam pro functionibus trigonometricis inveniri possunt. — In usum vero vocandæ sunt hæ formulæ, quando Δ' & Δ non multum a 90° differant; pro angulis minoribus ita transformentur, ut sit

Sin

$$\begin{aligned}\sin \frac{1}{2} \Delta'^2 &= \sin \frac{1}{2} (\delta''\zeta - \delta''*)^2 + \\ &+ \sin \frac{1}{2} (\alpha''\zeta - \alpha''*)^2 \cos \delta''\zeta \cos \delta''* \\ \sin \frac{1}{2} \Delta^2 &= \sin \frac{1}{2} (\delta\zeta - \delta*)^2 + \\ &+ \sin \frac{1}{2} (\alpha\zeta - \alpha*)^2 \cos \delta\zeta \cos \delta*\end{aligned}$$

Cum pro distantiis 90° longe excedentibus neutra harum formularum solitis trigonometricis tabulis debita præcisione adhiberi possit, juvat transformationem earum afferre, quæ in omni casu utilis erit, cum arcus semper maxima præcisione per tangentem definiatur:

$$\begin{aligned}\tang \frac{1}{2} \Delta'^2 &= \\ = \frac{\sin \frac{1}{2} (\delta''\zeta - \delta''*)^2 + \sin \frac{1}{2} (\alpha''\zeta - \alpha''*)^2 \cos \delta''\zeta \cos \delta''*}{\cos \frac{1}{2} (\delta'\zeta - \delta'*)} &- \sin \frac{1}{2} (\alpha'\zeta - \alpha'*)^2 \cos \delta'\zeta \cos \delta'* \\ \tang \frac{1}{2} \Delta^2 &= \\ = \frac{\sin \frac{1}{2} (\delta\zeta - \delta*)^2 + \sin \frac{1}{2} (\alpha\zeta - \alpha*)^2 \cos \delta\zeta \cos \delta*}{\cos \frac{1}{2} (\delta\zeta - \delta*)^2} &- \sin \frac{1}{2} (\alpha\zeta - \alpha*)^2 \cos \delta\zeta \cos \delta*\end{aligned}$$

Addita vel demta distantia centrorum apparenti summa vel differentia semidiametrorum lunæ & stellæ (diam. fixæ = 0) innoscet differentia inter distantiam visam limborum & veram centrorum, nullis calculi elementis ex observationibus sumitis. Computetur pro tribus (quod semper sufficiens erit) æquabili intervallo a se remotis momentis temporis meridiani tabularum seu fixi, cum longitudine loci jam præterpropter cognita, etiam ad hujus

tempus reductis, hæc differentia inter distantiam visam limborum & geocentricam centrorum, sintque hæc differentiae w_1, w_2, w_3 , pro temporibus loci, quo observatur t_1, t_2, t_3 , assumaturque hæc forma

$$w = A + Bt + Ct^2 \text{ ubi erit}$$

$$w_1 = A + Bt_1 + Ct_1^2$$

$$w_2 = A + Bt_2 + Ct_2^2$$

$w_3 = A + Bt_3 + Ct_3^2$, debitaque eliminatione instituta,

$$C = \frac{w_1(t_3 - t_2) - w_2(t_3 - t_1) + w_3(t_2 - t_1)}{(t_2 - t_1)(t_3 - t_1)(t_3 - t_2)}$$

$$B = \frac{w_2 - w_1}{t_2 - t_1} - C(t_2 + t_1)$$

$$A = w_1 - t_1(B + t_1C)$$

Si quatuor terminis aliquando necesse fuerit uti, calculus numericus analogæ formulæ satis prolixus foret, quare hoc in casu substitui potest

pro t_1, t_2, t_3, t_4 , o, 1, 2, 3,

atque pro w_1, w_2, w_3, w_4 , o u_1, u_2, u_3 , ubi constantes facile definiri possunt.

Substitutis in æquatione generali $w = A + Bt + Ct^2$ singulis valoribus $\tau\omega v t$, invenitur tali modo pro quavis observatione, reductio distantiae mensuratae

lim-